

1208

15



COPIA
EPISTOLÆ,

QVAM
SANCTISSIMO DOMINO,

NOSTRO

CLEMENTI XI.
PONTIFICI
OPTIMO MAXIMO,

SCRIPSIT

UNIVERSITAS PONTIFICIA,
& Regia Vrfaonensis,

SVPER OBEDIENTIA CONSTITVTIONIS
Vnigenitus.

EL COPILIA
EPISTOLE

QUAM

SAUCTISSIMO DOMINO

OSTRO

CLEMENTI XI
PONTIFICI
OPTIMO MAXIMO

SERVITI

UNIVERSITAS PONTIFICIA
& Regia Vniuersitas

SVED ORDINARIA CONSILII THOMAS
Viguerus.

SANCTISSIMO
DOMINO NOSTRO
CLEMENTI XI.
PONTIFICI OPTIMO

MAXIMO

UNIVERSITAS VRSAONENSIS

OBEDIENTIAM HVMLITER PRÆSTAT

BEATISSIME PATER.



ÆTATI sumus in his,
quæ dicta (1) sunt no-
bis, quòd celsitudinis
authoritate, divinarum
litterarum documentis,
& sacrorum dogma-
rum doctrina B. V. detestabiles cuius-
dam Novatoris errores (quos ex vene-
natis fontibus, & ex famosis Iansenij
propositionibus hauserat) Apostolico
mucrone debellavit, (2) caput eius
confringens, (3) molas, dentesque suos
conterens.

A 2

Ve-

(1)
Psalm. 127.
v. 1.

(2)
Psalm. 73.
v. 13. & 14

(3)
Psal. 57. v. 7.

Venientes autem (4) cum exultatione, ad te, B.P. venimus, (5) non in sublimitate sermonis, in verborum dulcedine, & decore; quia (6) eloquentia tanto terribilior, quanto purior; aut (7) sapientiæ altitudine nolentes multiplicare (8) loqui sublimia: non (9) inpersuasibilibus humanæ sapientiæ verbis, vt fides nostra non sit in sapientia hominum, sed in virtute Dei.

Altiora non quærimus, (10) nec fortiora scrutamur, quæ vires intelligentiæ nostræ transcendunt; non est (11) enim exaltatum cor nostrum, neque elati sunt oculi nostri, ambulantes in magnis, ne (12) magnitudinis scrutatores opprimamur. Non abscondimus (13) sapientiam vestram, B.P. in decore suo, sicut plurimi adulterantes illam, (14) qui cum (15) instabiles sint, eam depravant ad suam, & aliorum perditionem: nec retinemus (16) fidei verbum in tempore salutis; quinimò, facta voce Constitutionis

VNIGENITVS, convenit Univerſitas

(4)
Pſalm. 125.

ſ. 6.

(5)
1. Cor. cap.

2. ſ. 1.

(6)
Augu. apud

Hugon. 1.

Cor. c. 2. ſ. 1

(7)
1. Cor. cap.

2. ſ. 1.

(8)
1. Reg. cap.

2. ſ. 3.

(9)
1. Cor. cap.

2. ſ. 4. & 5.

(10)
Eccl. cap. 3.

ſ. 22.

(11)
Pſalm. 130.

ſ. 1.

(12)
Prov. cap.

25. ſ. 27.

(13)
Eccl. cap. 4.

ſ. 28.

(14)
2. Cor. cap.

2. ſ. 17.

(15)
2. Petr. cap.

3. ſ. 16.

(16)
Eccl. cap. 4.

ſ. 28.

hæc Vrsanenſis (quæ Bononiënſi, Sal-
 manticënſi, & Complutenſi Apoſtolicis
 favoribus ſpecialiter excequata (17), iu-
 riſdictionis (18) ditata muneribus, ec-
 cleſiaſticisquæ aucta (19) redditibus,
 inter præclaras totius orbis pari laurea
 potitur) vt vocem audiat, non mente
 confuſa, ſed fide flagrans: vocem de-
 lapſam, (20) & mirabiliter prolataſ
VNIGENITVS DEI FILIVS IPSVM
AVDITE, nō in volūrate humana alla-
 tam, ſed per inſpirationem de Cælo,
 & in Spiritu Sancto: vocem Domini
 (21) in virtute, & magnificentia con-
 fringentis cedros, diabolum (22) debel-
 lantis, hæreſiarchas, (23) ſclerisquæ
 actores conterentis, & ſuperbos (24)
 vſquæ ad terram humiliantis: vocem
 quidem Domini ſuper aquas (25) con-
 tradictionis, & tribulationis, quæ licet
 (26) multiplicentur, elevānt tamen
 Eecleſiam in ſublime; vnde (27) quan-

(17) Bul. Paul. III
Erektionis,
 quæ incipit.
In ſuperemi-
nenti, & c.
 die 10. Oct.
 an. 1548.
 (18) Bul. Paul. III
Iuriſdictionis
 quæ incipit.
Circa quo-
runcum que-
ſtudioſe, & c.
 die 6. Maij
 an. 1549.
 (19) Bul. Iul. III.
Annexionis,
 quæ incipit.
In Apoſtoli-
ca dignitatis,
 & c. die 20
 Julij 1551.
 (20) 2. Petr. c. 18
 v. 17, 18, 21.
 (21) Pfalm. 28.
 v. 4, 5.
 (22) Ezech. cap. 1
 31. v. 3. Ec-
 ce Aſſur qua-
 ſi cedrus.
 (23) Zach. c. 11.
 v. 13.

ſ. 2. *Plula abies, quia cecidit cedrus.* (24) Iſaj. cap. 2. v. 13. *Dies Do-*
mini ſuper omnes cedros libani ſublimas, & erectas. (25) Vbi ſup. n. 21.
 ſ. 3. (26) Genef. c. 7. v. 17. (27) V. Bed, ſer. 18. de Sanct.

Vbi supr. n.

21. v. 7.

III (29)

Math. c. 8.

v. 27.

(30)

Ioan. cap. 8.

v. 47.

(31)

Leo Pap.

Hom. de

Transfigur.

(32)

Greg. Pap.

Hom. 18.

(33)

Ioan. c. 10.

v. 16.

(34)

S. Leo ferm

2. in aniver.

sue Assump.

antemed.

(35)

Psal. 111.

v. 7.

(36)

Psal. 26. v. 13.

(37)

Cantic. cap.

3. v. 8.

(38)

Vbi supr.

n. 34.

(39)

Cantic. cap.

2. v. 14.

(40)

S. Leo Pap.

ferm. 3. vbi

sup.

6

to in passione fortior, tanto est clarior in honore: vocem igitur (28) dantis spiritum consilij, & intellectus, & (29) cui venti, & mare obediunt, nos, qui (30) ex Deo sumus, incunctanter (31) audimus, in aure (32) cordis percipimus, totoque mentis desiderio completimur, & tamquam (33) oves boni, verique Pastoris agnoscimus.

In (34) magisterio ergo huius vocis eruditi, & armati (35) ab auditio- ne mala non timemus: (36) si confi- stant adversus nos castra, non pavebit cor nostrum; & licet exurgat adversus nos praelium (37) erimus ad bella do- ctissimi; (38) tanta enim divinitus so- liditate munita est, vt eam neque hæ- retica vnquam corrumpere pravitas, nec pagana poterit superare perfidia.

Sonet (39) igitur vox vestra, B. P. dulcis in auribus nostris: vox (40) vi- tæ, quæ sicut confessores suos in coele- stia provehit, ita negatores in inferna demergit; voxque (41) suavem faciens melodiam, in qua (42) novum, vetus- que

què testamentum incorruptum vtrum-
què harmonicè concordant.

Pro hoc studio (43) mens vestra,
B. P. quasi (44) alter CLEMENS, in-
vigilat; vt tantæ sapientiæ lux fidelium
corda perfundat, & Novatorum con-
futat insanias. Verè sunt insanix; quia
(45) corrupti, & abominabiles in stu-
dijs suis ædificaverunt gymnasium se-
cundum leges (46) nationum, & re-
cesserunt à testamento sancto: in eo
tamen (heu dolor!) paraverunt (47)
vasa mortis, vt animas innocentes in-
terficiant.

Nunquid non est insanitas, & per-
versitas facere Constitutionem vestram
B. P. regulam Lesbianam ad sui regulati-
onem, & ad quod quisque vult, &
sentit accommodabilem, & attempe-
ratam? Quod quam præposterum sit
pervelle expressit Augustinus, dicens:
*Hæc (48) est in hominibus magna, &
usitata perversitas, qua, cum debeant
ipsi vivere secundum voluntatem Dei,
Deum volunt vivere secundum volunta-*

(41)
Eccl. c. 40,
v. 21.

(42)
Hugo Card.
in exposit.
cap. citat.
n. 38.

(43)
D. Thom.
in Proem.
caten. aur.

(44)
Ad Philip.
cap. 4. v. 3.
*Adiuvæ illas
quæ mecum
laboraverunt
in Evangelio
cû clemente.*

(45)
Psal. 13. v. 2

(46)
1. Mach.
cap. 1. v. 15.

(47)
Psal. 7. v. 14

(48)
Conc. 1. in
Psal. 48.

tem suam; Et cum ipsi nolint corrigi, illud volunt depravare, rectum non arbitantes, quod ille vult, sed quod ipsi volunt. An non est dementia, & procacitas velle Constitutionem VNIGENITVS obtemperare proprio iudicio pro arbitrato electo; non electionem suam, aut iudicium legi VNIGENITVS obsecundare, & loco illius substituere proprium affectum, ad cuius placitum dicta Constitutio reguletur? Audiatur iterum Augustinus: *Noli (49) recalcitrare, Et dicere: melius diceretur, si sic diceretur; quando enim potes tu dicere, aut iudicare quomodo dici expediat? Sic dictum est quomodo dici debuit: non corrigit aeger medicamentis sua; novit ea medicus modificare, ei crede, qui te curat.*

(49)
Sup. Psalm.
117. v. 6.

(50)
S. August.
sup. Pl. 63.
v. 2.
(51)
2. ad Tim.
c. 4. v. 4.
(52)
Psalm. 57.
v. 5, & 6.

Sed multa febre (50) phrenetici insanientes in medicum (51) a veritate auditum avertunt, ad fabulas se convertunt, (52) obturantesque aures suas, non exaudiunt vocem Vestrae Beatitudinis venefici incantantis sapienter;

ter; quā propter cum malevolentia, & livore, qui impudentiam nutrit, vt ait S. Hieronymus, (53) ad te B. P. more pharisaico accedunt; cumque (54) quiescere oportet, decertare volunt, non discere, sed tentare cupientes, ita interrogant: quod est magnum mandatum in Constitutione VNIGENITVS? Putantes causas allaturum ad hoc mandatum corrigendum aliquid addendo. Heu miseri! (55) vsque quo gravi corde? Vt quid diligitis vanitatem, & quæritis mendacium? Vtinam (56) saperent, & intelligerent, B. P. quod (57) de cœlo fecisti iudicium.

Sed (58) cum operti sint iniquitate, & impietate sua, (59) non intrant in iustitiam tuam, fontem (60) aquæ vitæ derelinquunt, (61) viam civitatis non inveniunt; sed desperierunt (62) in Endor, factique sunt vt stercus terræ: derelinquentes (63) viam rectam erraverunt sequuti viam Balaam, ad futurum Concilium confugiunt, & (64)

(53)
Apud D. Thom. in caten.aur. sup. Matth. cap.22. ad v.34.
(54)
Chryf. Hō. 72. in Matth

(55)
Psal.4. v.34

(56)
Deut. c.32 v.29.

(57)
Psal.75. v.9.

(58)
Pf. 72. v.6.

(59)
Pf.68. v.28.

(60)
Ierem. c.2. v.13.

(61)
Pf.106. v.4.

(62)
Pf.82. v.11.

(63)
2. Petr. cap. 2. v.15

(64)
Isaia c. 30.

v.1. & v.2.

B

tam-

tamquam filij desertores in Ægyptum descendunt, ordiunturque telam, non per spiritum vestrum, vt addant peccatum super peccatum.

Sed quid mirum ! Si, vesaniēte vento superbiæ inflati, sunt sine (65) voce; quamobrem decedentes sunt sine honore, in contumelia, & in confusione inter mortuos, & damnatos in perpetuum; & (66) non custodientes testamentum Dei, & in lege vestra nolentes ambulare, B. V. (67) commouit illos à fundamentis, & cogitationibus suis, & vsque ad supremum desolantur: merito quidem; (68) quia infideles habiti sunt in testamento vestro.

Nos verò, B.P. (69) habentes firmiorem sermonem (70) complacemus in veritate tua; cum consilio vanitatis, & cum impijs non sedemus; (71) scimusque quod scis omnia, & non est opus vt quis te interroget; quia palam loqueris, & proverbium nullum dicis; vestræque Beatitudini, id est,

(65)
Sapient. c.
4. v. 19.

(66)
Pl. 77. v. 10.

(67)
Vbi supr.
num. 65.

(68)
Vbi supr.
n. 66. v. 37.

(69)
Vbi supr.
n. 20. v. 19.

(70)
Psalm. 25.
v. 3. & 4.

(71)
Ioan. c. 16.
v. 29. & 30.

RI

est , (72) Cathedræ Petri supra pe-
tram voce Domini fundatæ , conso-
ciamur.

Vnde sicut B. V. buccinavit (73) in
Neomenia tuba in lucem emittens
Constitutionem VNIGENITVS in fe-
stivitate NATIVITATIS Virginis; ita
Vniversitas hæc in insigni die solemni-
tatis suæ, in CONCEPTIONIS festo
(cuius glorioso titulo nimis cōdecorata
exurgit) extollens (74) vocem, tubam
personavit, commilitones vocavit ad
Sion fidelem, cunctos virorum gradus,
cœtum Doctorum, & Magistrorum
congesit, populum congregavit chri-
stianum, senes coadunavit, proceres, &
parvulos vbera doctrinæ sugentes ad-
iunxit : (75) in vnitæte spiritus, & vin-
culo pacis congregata, solemni appa-
ratu, publicum paravit Theatrum, in
quo (76) auditam fecit vocem laudis,
exultationis, & salutis, qua Rector,
Cancellarius, Doctores, Magistri, cun-
ctarumque facultatum Cathedrarij,
omnes simul, & quilibet (77) iuravit,

(72)
S. Hieron.
epist. 57. ad
Damasc.

S. Cyprian.
epist. 40.

(73)
Emin. Hug.
super Psal.
80. v. 4.



(74)
Luc. c. II.
v. 27.

(75)
Ad Ephes.
c. 4. v. 3.

(76)
Psal. 65. v. 8.

(77)
Psal. I. 18.

& statuit custodire iudicia iustitiæ tuæ:
 alternantibus post dulcibus concenti-
 bus, triumphalis Hymnus TE DEVM
 in chordis, & organo fuit decantatus,
 & Vniversitas ista sapienter psallit, &
 intellexit (78) in via immaculata; per-
 strepentibus, fulgentibusque ignibus,
 domus (79) nostra repleta est, non in-
 fidelitatis, & ignorantia fumo, sed eni-
 gmatica Fidei cognitione, à voceque
 tonitru (80) adversarij formidant:
 denique in cymbalis vniversis huius po-
 puli (81) benefonantibus, nostra obe-
 dientia omnem (82) in locum divul-
 gata fuit.

Gradum sistimus vocibus, B. P. non
 affectibus, & quas pro communi Ec-
 clesiæ vtilitate tibi grates debemus, pri-
 vato, & filiali amore solvimus; atque
 post beatorum pedum oscula, Aposto-
 licam vestram benedictionem humili-
 ter postulamus; tantoque pro munere,
 gratijs actis Deo, obnixè deprecamur,
 vt VNIGENITVS (83) eius Filius, qui
 te posuit (84) pascere gregem populi
 sui.

(78)
 Ps. 100. v. 2.

(79)
 Isai. cap. 6.
 v. 4.

(80)
 Ps. 103. v. 7.

(81)
 Ps. 150. v. 5.

(82)
 Ad Rom.
 c. 16. v. 19.

(83)
 Ioann. 1.
 v. 18.

(84)
 2. Reg. c. 7.

fui, sit tecum in omnibus, firmetque regnum tuum in æternum. Datum in nostro Claustro pleno Vniversitatis Vrsaconensis congregato in Capitulari aula, GIRONA vulgò nuncupata, die nona Decembris anno millesimo septingentesimo decimo octavo.

BEATISSIME PATER.

Tuæ obedientiæ se se in æternum devinciunt.

Doctor Franciscus Laurentius de Arjona Collegij Maioris, & Vniversitatis Vrsaconensis Apostolicus Iudex Ordinarius, & Rector.

Fr. Antonius à S. Thoma Ordinis Prædicatorum Præsentatus, D. Thomæ Cathedræ Primarius, in Sacra Theologia Doctor Decanus, & Vice-Cancellarius.

Fr. Ildefonsus Zeron Carmelitani Regularis Observantiæ Ordinis Magister, Moralis Theologiæ olim Cathedrarius, Doctor Theologus.

Fr. Franciscus Contreras in Carmelitano Observantiæ Regularis Ordine Magister, Sacræ Theologiæ Doctor.

Petrus de Toledo Villegas Canonicus insignis Collegialis Vrsaconensis Ecclesiæ, in Sacra Theologia Doctor, & Metaphisicæ Cathedrarius.

Gaspar Dominguez Canon-
nicus insignis Collegia-
lis Ecclesiæ Vrfaonensis,
Doct̃or Theologus.

Michael Solis Sacrorum
Canonum Doct̃or Deca-
nus.

Ioannes de la Huerta, &
Reyes Sacrorum Cano-
num Vespertinus, & Iu-
ris Civilis Doct̃or Deca-
nus.

Marcus Delgado Cabeza
de Baca, Primarius Me-
dicinæ Emeritus, & Do-
ct̃or, Philosophiæ Ma-
gister, & in vtraque fa-
cultate Decanus.

Franciscus Iosephus de Me-
sa Sacrorum Canonum
Doct̃or, eorumque Pri-
marius.

Franciscus Gonzalez Me-
dicinæ Doct̃or, eius-
demque Emeritus Ve-
spertinus.

Iosephus Dominguez in
Sacris Canonibus Doct̃.

Ioannes de Morales Iuris
Canonici Doct̃or.

Iosephus Lopez Crespillo
Medicinæ Primarius, &
Doct̃or.

Ildefonsus Clemens Ro-
driguez Medicinæ Ve-
spertinus, & Doct̃or.

Marcus de Alcazar Medi-
cinæ Doct̃or, Anatho-
miæ, & Chirurgiæ Ca-
thedrarius.

Christophorus Vbaldus
Fernandez de Cordova,
Legum Vespertinus, &
Sacrorum Canonum
Doct̃or.

Ioannes Franciscus de Zam-
brana, & Quevedo Ca-
nonicus insignis Colle-
gialis Vrfaonensis Eccle-
siæ, Decretorum Cathed-
ræ Moderator, & Sa-
crorum Canonum Do-
ct̃or.

Iosephus de Mesa Canoni-
cus insignis Collegialis
Ecclesiæ Vrfaonensis, In-
stitutionum in scriptis
Cathedræ Moderator, in
Sacrisque Canonibus
Doct̃or.

Ilde-

Ildefonsus Perez de Luna
in Philosophia Magister,
Phisicæ Cathedræ Mo-
derator.

Fr. Andreas Portillo Sera-
phici Ordinis S. Francisci
Regularis Observantiæ
Emeritus, D. Bonaven-
turæ Cathedrarius.

Fr. Isidorus de Mesa Ordi-
nis Carmelitani Regula-
ris Observantiæ Magi-
ster, Theologiæ Mora-
lis Cathedrarius, & in
Sacra Theologia Bacca-
larius.

Fr. Ioannes de Zepeda Or-

dinis Eremitarum D.
Augustini Magister, D.
Thomæ Cathedræ Ve-
spertinus.

Fr. Petrus de Lora Ordinis
Eremitarum D. Augu-
stini, Sacræ Paginæ Ca-
thedrarius.

Fr. Ioannes de Castro Ordi-
nis Eremitarum D. Au-
gustini, Durandi Cathe-
dræ Moderator.

Fr. Franciscus Gallegos
Tertij Ordinis Pœni-
tentia S. Francisci, Lo-
gicæ Cathedræ Modera-
tor.



EX VNIVERSITATIS DECRETO.

Doct. Petrus de Toledo,
☉ Herrera, Secretarius.

TESTIFICATIO

SVPER EA , QVÆ ACCIDERVNT IN
DIE QVANDO REPETITA FVIT,
OBEDIENTIA

SVMMO ROMANO

PONTIFICI

PER VNIVERSITATEM

VRSANENSEM

PERSISTENDO IN OBSERVANTIA


BVLLÆ

VNIGENITVS.



GO Dōctor Petrus de Toledo,
& Herrera Canonicus Insignis
Collegialis Vrsanonensis Eccle-
siæ , Sanctæ Inquisitionis in
causis fidei Iudex Commissa-

rius , Vniuersitatis in per antiqua Colonia
de Ossuna , autoritate Apostolica , & Regia
erectæ , primarius Legum Regens, in eaque
Secretarius designatus ; indubiam fidem fa-
cio , Claustum doctorum in qualibet ma-
iori facultate convocatum extraordinarie



fuisse ex decreto Domini Doctoris Domini Francisci Laurentij de Arjona dictæ Universitatis ad præsens Rectoris , die decima octava Novembris anni currentis per citationem vnicuique à Bedello factam vt iuris, morisque est : in eoque omnibus , & nemine dempto , præsentialiter astantibus , prædictus perillustris Dominus Rector proposuit , iam toti congressui satis notam fuisse publicationem Bullæ VNIGENITVS factam simul , & fere eodem tempore in nostra Hispania ex decreto Clementissimi Clementis XI. sedentis modo foeliciter in excelsa militantis Ecclesiæ specula (ò sedeat diuissime , & Deus illum vsque ad senectam , & senium nunquam derelinquat) quæ quidem tota fuit super condemnatione , quæ præcesserat facta ab eodem Pontifice , variarum propropositionum , quas comprehendit quidam liber Gallico idiomate impressus , & varijs tomis divisus ; avthore Paschasio Quesnel , condemnatione extensa ad eundem librum sub duplici titulo typis mandato Lutetiæ Parisiorum sub annis 1693. 1694. & denique 1699. & ad alios quoscumque

in

137

in supradicti defensionem tam hucusque editos, quam in posterum edendos.

Et etiam Vniuersitati notum erat tam ex vna, vel altera Bulla in forma Brevis ab eodem nostro Romano Pontifice expedita, quam ex eo, quod divulgauerat fama, varios Ecclesie, & Regni Gallicani Præsules, aliquosque Doctores Parisiensis antiquissime Academiae idiomate communi dictæ *Sorbona*, eandem condemnationem, & prohibitionem non recte tulisse, qui vt rebelles filij aduersus ipsam supremam Sedem animos, cristasque gallorum more erigere non erubuerunt, reputantes (licet indebite) suum effectum appellatione interposita ad futurum Concilium (vt mos hæreticorum est) suspendi posse.

Et itidem in propatulo cuique erat quod ista hæc Vniuersitas in statutis, & usu habet, vt omnes Doctores, & Licentiati in qualibet facultate in ipso actu receptionis gradus, obedientiam expresse iurent Romano Pontifici sub his verbis: *Me obedientem futurum Domino Pape.*

Et denique satis constans inter omnes

erat ex actis nostræ Vniuersitatis in charta-
 phylacio reconditis, quod in simili fere ca-
 su expetita fuit hæc Vniuersitas (sicut & Sal-
 manticensis, & Vallisoletana) anno præteri-
 to millesimo sexcentesimo vigesimo septi-
 mo, die tertiadecima Martij à Cornelio
 Jansenio tunc temporis Doctore, & Cathe-
 dratico Lovaniensi, & Canonico Ecclesiæ
 Collegialis S. Petri Infulensis in dicta Civi-
 tate, licet postea ad Infulam Episcopatus
 de Ipre in Belgio fuisset assumptus, vt eas
 nomine Vniuersitatis Lovaniensis ad aliqua
 alliceret, nec his, nec illis temporibus licita,
 nec bene recepta, cuius colloquia forte ali-
 bi observata, & in sui favorem impressa in
 causa fuerunt, vt tam libere, dissoluteque
 exteræ, & non Catholicæ nationes non be-
 ne (licet falso) de Hispanis sentirent, temere
 iudicantes aliquam litterariam Communi-
 tatem per eundem Cornelium stetisse, du-
 centes silentium in consensum, & credentes
 approbata nobis, quæ non viderunt refu-
 tata.

Ex quibus omnibus inquebat Illustrissi-
 mus Rector, non solum conueniens, sed
 etiam

etiam debitum fore, si hæc nostra Academia, repetendo obedientiam Romano Pontifici, publice iurasset observantiam Bullæ VNIGENITVS, itidem detestando cum Catholica Ecclesia propositiones in dicto libro de *Quesnel* contentas, publice affirmando ex obligatione catholica, & in exemplum cæterorum, prædictam Bullam non esse appellabilem, nedum sub prætextu futuri Concilij, & quod de specie facti certioretur per epistolam Dominus Papa.

Quibus omnibus auditis, & perpensis, annuerunt omnes, & vno ore, vnoque consensu resoluta fuit prædicti iuramenti publicatio, eique destinata item fuit dies octava Decembris proximi hora tertia post meridiem, vt hoc religiosissimo actu iucundior fieret festiuitas mysterij Conceptionis purissimæ Beatæ Mariæ Virginis, titularis, tutelarisque nostræ Vniuersitatis, in qua numerantur centum & septuaginta anni erectionis ipsius Academiae, quam à fundamentis erexit, & dotavit, ditavitque Regia GIRONIORVM domus huic mysterio ab

antiquis temporibus toto corde dedita, ob
idque inter celeberrimas Catholicae Eccle-
siae festivitates huic Oppido, Universitatique
celebrior.

Insuper, eandem fidem facio, quod he-
sterna die ex praedicto decreto congrega-
tum fuit Magistrorum, Doctorumque in
omni facultate Claustrum in Camera re-
ctorali, ex qua prodierunt vniversi singu-
lari ordine, praeside Domino Rectore, co-
mitantibusque Cathedraicis in singulis fa-
cultatibus, & descendentes in atrium scho-
larum, quod tunc temporis plenum erat
in circuitu, & ex omni parte viris religio-
sis, nobilibus & vtriusque sexus turba
copiosa, ascenderunt in Theatrum, quod
sub angulo paratum erat insimilitudinem
tribunalis, & in capite eius thronus, sub cu-
ius solio fuit collocata effigies Sanctissimi
Patris Clementis XI. & à latere dextro extra
solum sedilia ordinum composita, quasi si
lex illa Roscia Theatralis revocata fuisset in
vsum.

Statimque ex sua sede fuit egressus R. A.
P. Fr. Antonius à Sancto Thoma ex Domini-
cana

cana familia , Magister in Sacra Theologia,
 in eaque pro nunc Decanus , & muneris
 Cancellarij vices gerens , & in ambonem
 concionaturus ascendens , orationem pane-
 gyricam fecit , pro explicatione supremæ
 autoritatis nostri Romani Pontificis effica-
 citer persuadens (præter quam quod defid e
 est) quod licet toti Ecclesiæ fuerit data
 potestas ecclesiastica , & spiritualis , Papæ
 tamen fuit attributa excellentiori modo
 tanquam capiti , ex eo quod caput sit dig-
 nius , pretiosius , & nobilius cæteris mem-
 bris , siquidem membra à capite fomen-
 tum , decorem , & formam recipiunt , &
 quod licet Ecclesia Romana caput sit , ipsa
 tamen fuit à Christo fundata principaliter in
 Petro , & successoribus eius , non in Con-
 cilijs , quæ vti membra ab eodem vnico
 capite pendent.

Hinc transijt explicaturus antiquitatem
 divini cultus , & vsum religionis iuramen-
 ti , ex quo animus radicatur fidelior , &
 constantior , & inter vnum , & alterum
 assumptum laudes , maximaque elogia Con-
 ceptionis Beatissimæ Mariæ Virginis sine
 la-

labe culpæ originalis intexuit , ob rationes de quibus supra , & quia sub hoc mysterio dicitur de Sanctissima Virgine , quod sola hæreses intermisset in vniverso mundo , & pro gloria nostræ Vniuersitatis memoriale fecit suæ foundationis , & præcipue , quod creata fuit sub autoritate Papæ Pauli tertij, quo tempore Angliæ Regnum , & cum eo perantiqua Vniuersitas de Oxonia, idiomate vulgari *Oxford*, in hæresim contra Ecclesiæ Caput immediate delapsum , delapsaque fuit. Circa quæ omnia taliter peroravit , vt quasi sol radios , quasi rosa suauitatem odoris , & quasi ignis scintillas suas disperfit.

Interea que dum accincti fuimus ad iuramentum , pulsu , sonituque cymbalorum omnium incitato , tota Civitas vicissim , & incundissime personabat , & quam magno crepitu , ac fragore tormentorum , quæ ex rotulis artificiose factis emittuntur , & cantiones ad intentum facientes suavissima modulatione vocum , & tiliarum fuerunt interpositæ. Et prædictus Dominus Rector, Doctores , & Cathedrarij , qui pleni antea
fuis

29
 fuissent fidei ardore erga Supremam Romanam Sedem ; ex tunc repleti sunt omnes ardore obedientiæ erga Romanum Pontificem , & coeperunt loqui fidelitatem cordis sui per hæc verba.

I V R A M E N T V M.

NOS Rector, Cancellarius, Doctores, & Magistri huius Universitatis Vrfaonensis, Cathedratique illius in omni facultate, omnes, & singuliper sistentes in Constitutione VNI- GENITVS Nostri Romani Pontificis Clementis vndecimi, ad præsens in excelsa militantis Ecclesiæ specula constituti, Romæ subscripta die octava Septembris præteriti anni millesimi septingentesimi decimi tertij, vltra obedientiam, quam vti Catholicæ Ecclesiæ filij, & à pijsissima matre educati, profitemur Summo Romano Pontifici communi omnium Santissimo Spirituali Parenti, & vltra eam obedientiam, ad quam specialiter adstringimur, ex

statuto nostræ Academiæ de obe-
 diendo Romano Pontifici ; promitti-
 mus, & iuramus Deum, Sanctaque
 eius Evangelia, quod tam interius,
 quam exterius, corde, vocibus, &
 operibus constanter obedientes eri-
 mus Bullæ VNIGENITVS: defen-
 sabimus, publicamque faciemus obe-
 dientiam, quæ dictæ Constitutioni
 VNIGENITVS præstari debet: con-
 demnantes, repellentes, & anathe-
 matizantes vnâ supra centum pro-
 positiones, quas prædicta Constitu-
 tio condemnat, repellit, & anathe-
 matizat: firmiter confitendo prædi-
 ctam Constitutionem non esse ap-
 pellabilem, nec vlllo modo reforma-
 ri, nec modificari debere; conse-
 quenterque nullam, & iniquam ef-
 fe appellacionem interpositam ad
 futurum Concilium: omnesque ex
 debito obligationis adstringi ad de-
 fendendam sub Constitutione præ-
 dicta Ecclesiæ, & Summi Romani
 Pontificis causam. Ita iuramus, sic

nos Deus adiuuet , & hæc Sancta eius Evangelia.

Quibus peractis omnes in suas sedes restituti , modulato solemniter hymno TE-DEVM,ex eis in Cameram rectoralem, unde exierunt, revertuntur. Hæc fuit pompa, hæc species , hic actus iurandi obedientiam Romano Pontifici,tanta maiestate dignissimus. De quibus omnibus , quia eis ex munere meo interfui , indubiam, vti dixi, fidem facio , & meo nomine , signoque solito subscripsi , & ex mandato Domini Rectoris, & insignis Vniversitatis sigillo maiori munivi. Datum Vrfaone nona die mensis Decembris. Anno Domini millesimo septingentesimo decimo octavo.

Loco ✠ sigilli.

*Doct. Petrus de Toledo
& Herrera.
Secret.*

nos Deus adiuvet, & hinc sancta eius
Evangelia.

Quibus peractis omnes in iustis
manu, modico sed magno hinc TE
DEVI, ex eis in Cantuarum resolutione, un-
de existunt, revertuntur. Hinc hinc
hinc species, hic actus iurandi obedi-
entiam Romano Pontifici, tam maxime di-
gessimus. De quibus omnibus, qui ex
munere meo meriti, in iudicio, et di-
lecto facio, & meo nomine, signo-
lino subscripti, & ex mandato Domini Re-
giorum, & insignis Universitatis sigillo ma-
iori manu. Datum Vrbis nona die
mensis Decembris. Anno Domini millesimo
septingentesimo decimo octavo.

Loco sigilli.

Boet. Petrus de Tello
& Petrus
Secret.